


坐嘉石者當桎梏此繫用微纆則將入園土者置之於外朝議其罪也上乘艮艮為土爻辰在巳乾位乾為園故象入園土先寘叢棘坎為陷在坎三爻故三歲不得



皇清經解卷一千二百三十一終

嘉應楊懋建舊校番禺趙齊嬰新校

皇清經解卷一千二百三十三

學海堂

周易荀氏九家義

武進張編修惠言著

九家或云即淮南九師或云荀爽集古易家凡九皆非也惠徵士云六朝人說荀氏易者為得其實

乾坤升降

荀氏之義莫大乎陽升陰降惠徵士易漢學說之云乾二升坤五為君坤五降乾二為臣乾升為坎坤降成離成既濟定則六爻得位繫辭所謂上下无常剛柔相易乾象所謂各正性命保合太和乃利貞也惠此說據荀文言注而言其實荀氏六十四卦皆無正既濟之義其陽升于坤又不主九二一爻

乾文言注云乾升于坤日雲行坤降于乾日雨施乾坤二卦成

兩既濟陰陽和均而得其正又云坤五之乾二為離乾二之坤

五為坎坤文言注云乾二居坤五為含坤五居乾二為宏坤初

居乾四為光乾四居坤初為大惠徵土云乾上居坤三亦為含

亦成兩既濟也繫注云陽成位于五五為上中陰成位于二二為下中

故易成位乎其中又云陰升之陽則成天之文也陽降之陰則

成地之文也幽謂否卦變成未濟也明謂泰卦變成既濟也此

乾坤為三百八十四爻之升降由泰而既濟由否而未濟為陰

陽之大限通六十四卦為運行故既濟注云天地既交陽升陰

降未濟注云雖剛柔相應而不以正由未能濟通明既未濟

為升降之用也乾注云乾六爻皆君二當升坤五四上躍居五

或下居坤初上當下之坤二以乾爻君坤謂乾六爻為六十四

卦之君乾坤二卦成兩既濟義見于此乃爻升之例非主一卦

而言其于當卦本爻例不以變正為義故坤初履霜九家云陰

始消陽三注云雖有伏陽含藏不顯上注云坤在于亥下有伏

乾則乾六爻皆言陽息坤六爻皆言陰消未嘗成既濟也與虞

氏每爻正位成既濟者不同

需注云下三陽需時當升乾升在上坎降在下泰注云自地升

天三體俱上升注云初與冥一體相隨升居坤上此以下卦升

上卦也然亦以二為主

爻以初升五者復初也以二升五者需二師二臨二解二升二

也以三升五者謙二明夷三也以四升五者離四小過四也又

豐注云君宜居五下居四日吳之象則亦五降四四升五也然

則一陽之卦乾在初復在二師在三謙在四豫二陽之卦皆在下者乾在二臨升解在三明夷在四小過震三陽之卦皆在下者乾在三泰在四歸妹豐恆四陽之卦大壯乾在四豫震歸妹恆注皆闕可知也離雖一陽在上本以坤二五之乾非乾上升故體乾九四當升五蓋乾六爻皆君之義具于此上不得降者自上下下謙也乾升皆五坤降不必二臣道无方也

陰居五而吉者蒙五似成王任周召大有五尚賢賁五終吉有喜此皆陽已在上故五承之而有吉也陽在五不降惟需五帥羣陰舉坎以降陽使下乾一體俱升以例推之乾在下未升之卦需泰之外大有大壯小畜大畜夬大壯注云陽從下升小畜九家注云畜而未下皆升乾可知大畜五養賢當與大有爲例夬以五陽危去一陰無取降乾此二卦乾皆不可升也

苟義卦爻皆無變動惟升降則爻易亦不以之卦爲例九家注坤文言云五動爲比乃言乾五之變非謂坤五宜變正也惟與二注云二以陽順陽君所不臣軍帥之象征伐既畢當變而順五則吉此爲特例所未能詳

乾升坤降其義出于乾鑿度陰麗陽而生陽由七上九陰由八降六故陽性欲升陰性欲承也文言注云萬有一千五百二十冊皆受始于乾由坤而生九家釋至哉坤元謂乾氣至坤萬物資受而生則坤凝乾元之義著矣虞仲翔云苟謂之注有異俗儒其謂此矣

泰否始終

繫注云陰陽相易出于乾坤故曰門又云毀乾坤之體則无以見陰陽之交易也此言乾坤立易之本也天尊地卑注云謂否卦也卑高以陳注云謂泰卦也安土敦乎仁注云安土謂否卦敦仁謂泰卦幽明之故注云幽謂否卦變成未濟天上地下不可得觀者也明謂泰卦變成既濟天地之間萬物成列著于耳目者也九家注原始及終云陰陽交合物之始也陰陽分離物之終也交泰時春也離否時秋也此言否泰為易之始終也繫注云乾舍于离配日而居坤舍于坎配月而居說卦注云神者在天明者在地神以夜光明以晝照九家注方以類聚云謂姤卦陽爻聚于午也物以羣分云謂復卦陰爻聚于子也蓋乾坤相易以泰否為端姤復為舍既未濟為用姤復者乾坤之始終

文言注云乾始于坎而終于离坤始于离而終于坎泰否者乾坤相易之始終相易則升降是也泰天地交陽息而升泰注云陽息而升陰消而降既濟注云天地既交陽升陰降大

壯一陽升夬二陽升乾三陽升聚于午姤一陰降遯二陰降否

三陰降天地正乾坤定陽將降則為未濟物終矣陰消而升觀

一陰升剝二陰升坤三陰升羣于子復一陽降臨二陽降泰三

陽降以高下卑以貴下賤天地通陽將升則為既濟物之始也

自泰至否乾升坤降以定萬物之列至于成功故曰著于耳目

謂之明也自否至泰天地之氣默相交孕以生萬物故曰天上

地下不可得觀者謂之幽也九家注利用安身云謂姤時也陰

升上究則乾伏坤中誦以求信陽當復升時既潛藏故利用安

身以崇其德謂姤陰降至坤而乾伏陽安身自姤始也

卦變

一陽一陰之卦剝注云陰外變五爻云大壯進而成夬九謙云

乾來之坤履云動來為兌九家動來謂坤來同人云乾舍于离坤出于离也

二陽二陰之卦屯自坎蒙自艮坎云陽來則乾二五也訟云陽

來居二則亦遯來也晉云五從坤動而進居五則亦觀來也蹇

解皆云乾動之坤蹇又云乾動往居坤五則是乾二之豫為解

乾五之謙為蹇也萃云本否卦上九見滅三陽之卦隨蠱噬嗑

賁咸恆損困井旅渙既濟未濟推其注文皆自泰否蓋荀言卦

變與虞氏略同見注者二十六卦不同而消息之義則異荀惟以

乾坤為消息而以泰否為升降故一陰一陽二陰二陽之卦皆

乾坤相之觀于蹇解可見屯蒙訟晉雖自坎艮遯觀實亦乾之

二三坤之二四耳卦變皆古所傳故荀虞各為之說而不易其所來之卦泰否乾坤也故

成卦獨多萃象乾滅其例大畜當配之注闕不可知也恆注云

乾氣下終始復升上居四坤氣上終始復降下居初則知卦變

之例皆升降以求六十四卦皆得通之矣

消息

荀氏消息唯六用七分注變化者進退之象云春夏為變秋冬

為化息卦為進消卦為退注往來不窮云一冬一夏陰陽相變

易十二消息陰陽往來不窮已注大明終始云乾始于坎而終

于离坤始于离而終於坎九家注旁行而不流云旁行周合六

十四卦月主五卦爻主一日大分言之歲既周而復始注範圍天地

之化而不過云乾坤消息法周天地而不過于十二辰也其在

卦爻之注則坤上云消息之位坤在于亥下有伏乾屯云十二月雷伏藏地中大有云夏火王在天隨云八月之時雷藏于澤九臨以兌為八月方伯之卦復云冬至之卦解云仲春之月姤云南方夏位皆言六日七分也

說卦注雷以動之謂建卯之月風以散之建巳之月雨以潤之建子之月日以烜之建午之月艮以止之建丑之月兌以說之建酉之月乾以君之建亥之月坤以藏之建申之月此言八卦用事之位坤注云消息之位下有伏乾繫注云坤建于亥下有伏乾為樂天乾立于巳下有伏與為知命謂此也此建月坤在申與乾鑿度不同乾鑿度坤位六月蓋據西南得朋自午至申得坤一體故改之耳

虞義乾息則吉坤消則凶荀則不然九家云陽稱息者起復成與謂乾立于巳萬物盛長也陰言消者始姤終乾謂坤建于亥萬物成熟

成熟則給用給用則分散故陰用特言消也繫注利用陰道用也然則息者陽之生消者陰之用也九家釋坤初六謂陰始消陽始于微

霜成于堅冰其義則以霜為乾之命堅冰為陰功成坤在亥合乾故成于

為堅冰也坤初六之乾四履乾命陰順乾之性而成堅冰荀云乾氣加之性而堅象臣順君命而成之則坤之消乾正所以成乾所謂地道无成而代有終非以坤為積惡弑父弑君也後儒

用荀說而不知其義遂以繫曰方以類聚物以羣分吉凶生矣坤元當小人謬妄甚矣

由九家之注則陰陽交羣聚而生吉凶謂陽性欲升升而舍離則吉之盛也陰性欲承升而舍坎則吉之端也故否五注云九家

否者消卦陰欲消陽故五處和正以否絕之謂否成陰將升非正故五否絕之也若坤在下則為正故泰注得上于中行為三體俱上也

世伏

京氏積算法云孔子易云有四易一世二世為地易三世四世為人易五世八純為天易惠云八純俗本作六世譌游魂歸魂為鬼易其法六十四卦為八宮八純卦上爻為世不變變初一世變二二世以至于五則四反而為游魂下體復為歸魂游魂之卦乾坤用坎離坎離用乾坤震巽用艮兌艮兌用震巽凡乾與坤坎與離震與巽艮與兌互相伏八卦之世雖變其本體皆伏于下荀注隨者震之歸魂震歸從巽故大通蠱者巽也巽之歸魂巽歸合震故

元亨恆震世也

三與來乘之陰陽合會故通无咎解者震世也

二仲春之月草木萌芽九家云謙者兌世

五艮與兌合故亨吏

本坤世五下有伏坤屯上六體坎為血伏離為目

屯坎二世用京氏

法也又渙注云離日上為宗廟亦以渙離世上離爻也

苟以震巽合為元亨據九家則凡陰陽卦合皆亨然推恆之例

則諸三世之卦

否泰益既濟未濟損咸

皆陰陽合推謙之例則四世五世

之卦

四世觀大壯升无妄革蒙蹇五世剝夬井噬嗑豐渙履

皆陰陽合而諸卦或不言亨

蒙之亨注又以艮爻動交說之其義參錯不可得詳伏有以爻

位者如坤文言注六三陽位下有伏陽然亦以坤乾相伏言之

耳

兩象對合

中孚注云兩象對合外實內虛九家繫注云豫下有艮象從外示之示當震復為艮兩艮對合重門之象也

乾初勿用

大衍之數五十其用四十有九注云卦各有六爻六八四十八加乾坤二用凡有五十乾初九潛龍勿用故用四十九也文言曰隱而未見行而未成是以君子弗用也注云隱而未見謂居初也行而未成謂行之坤四陽居陰位未成為君乾者君卦也不成為君故不用也此即升降之大義初升五則用復是也之四則勿用履初注云初九者潛位隱而未見行而未成家人初注云初在潛位未干國政閉習家事而已中孚初注云初位潛藏未得變而應四也變謂改志非之陰

初在應外

比注云初在應外以喻殊俗九家注觀云謂應外之爻天地氣絕陰陽所去象不化之民五刑所加蓋凡卦以九五上正者初皆為應外也

據 承 應 取 往來 征 貞 求 乘 同功

爻義陽莫善于據陰井三注云不得據陰喻不得用故曰不食然則據陰而後得用也陰之義莫大乎承陽以其位謂之應比爻曰取

往來者在卦則為乾坤相之變來之爻也以外為往內為來如蹇往得中謂乾動往居坤五也解來復吉謂乾動來復居二也在爻則進退相取本體為來別體為往如蹇四往蹇來連往謂

之三來謂承五

征在爻為往應也在卦无文貞者正居其所不往應也

求者九家注蠱云陽往求五陰來求二未得正位此言泰初上也唯此一條

乘者陰比而加陽亦有以陽應陰而言乘者恆三革三皆云與上相應欲往應之為陰所乘亦是陰加乎陽也史三云為上所施亦乘意

同功即互體也繫曰二與四同功三與五同功既合為互象則二四三五各有相取吉凶之事

中和 中正

荀以二五中位為中和分言之或為中或為和合之為中和義无所別二五之位即為中正不必五陽二陰晉二象曰受茲介

福以中止也九家注云五動得正中故二受大福荀九家義无爻變其言五動者謂卦自觀來陰動而進居五五爻荀注云從坤動而來為商其文正同可知六五亦為中正也

爻位

爻位依乾鑿度初元士二大夫三公四諸侯五天子上宗廟此與鄭虞並同

財官

九家注小畜云五以四陰作財與下三陽共之注隨初九官有

渝云震為子得才之位故為官惠徵士以為小畜與五世卦體

木六四辛未土土為木財也隨否上之初乾之上九居坤初為

震震初庚子水得坤初乙未土之位水以上為官故曰官也財

官之位本京氏積算法云孔子曰八卦鬼為繫爻財為制爻天

地為義爻陸績注天地即父母也福德為寶爻福德即子孫也同氣為專爻兄弟爻也

法以八卦六位乾甲子壬午坤乙未癸丑震庚子與辛丑坎戊

寅離已卯艮丙辰兌丁巳各以陰陽順逆而治六辰從世卦命

其六親八純卦乾兌金震巽木坤艮土坎水離火也此于荀九家之注他无所証財

官或不必如惠所說又隨震之歸魂卦體為木初爻庚子水法

當為義爻而取坤之乙丑為庚子之官亦非其例以先士所述

備一義焉

工部都水司郎中臨川李秉綬刊

皇清經解卷一千二百三十三終

嘉應楊懋建舊校
番禺趙齊嬰新校

